

巴陵縣志卷之二十四

藝文

〔南北朝宋〕

凡一首

始安郡還都與張湘州登巴陵城樓作一首

顏延年

江漢分楚望衡巫奠南服三湘淪洞庭七澤藹荆牧
經途延舊軌登闈訪川陸水國周地險河山信重複
却倚雲夢林前瞻京臺囿清霧霽岳陽層暉薄瀾海
悽矣自遠風傷哉千里目萬古陳徃還百代勞起欲
存沒竟何人炯介在明淑請從上世人歸來藝桑竹

巴陵縣志

卷之二十四

藝文

〔南北朝梁〕

凡一首

行經巴陵部伍

一作赴荊州
泊三江口

梁元帝

涉江望行旅金鉦間綵旂水際含天色虹光入浪浮
柳條恒掃岸花氣盡薰舟叢林多故社單戍有危樓
疊鼓隨朱鷺長簫應紫騮蓮舟夾鶴筆畫舸覆緹油
榜歌殊未息於此泛安流

湘夫人

沈約

瀟湘風已息沅澧復安流揚娥一含睇嬾娟好且修
捐珉置澧浦解珮寄中洲

夜泊巴陵

朱超

月夜三江靜雲霧四邊收淤泥不通挽寒浦劣容
迴風折長草輕冰斷細流古村空列樹荒戍久無樓

湘夫人

王僧孺

桂棟承薜帷眇眇川之湄白蘋徒可望綠芷竟空滋
日暮思公子銜意默無辭

南北朝陳

凡二首

渡青草湖

一作吳均詩

陰鏗

洞庭春溜滿平湖錦帆張沅水桃花色湘流杜若香
穴去茅山近江連巫峽長帶天澄迴碧映日動浮光
行舟逗遠樹度鳥息危檣滔滔不可測一葦詎能航

巴陵縣志

卷之二十四

藝文

二

遊巴陵空寺

陰鏗

日宮朝絕磬月殿夕無扉網交雙樹葉輪斷七燈輝
香盡奩猶馥幡塵晝漸微借問將何見風氣動天衣

唐

凡二百九十七首

洞庭湖

宋之問

地盡天水合朝及洞庭湖初日當中涌莫辨東西隅
晶耀目何在澀熒心欲無靈光晏海若游氣耿天吳
張樂軒皇至征苗夏禹徂楚臣悲落葉堯女泣蒼梧
野積九江潤山通五嶽圖風恬魚自躍雲夕雁相呼
獨此臨泛漾浩將人代殊永言洗氛濁卒歲爲清

要使功成退徒勞越大夫

謁二妃廟

宋之問

還以金屋貴留茲寶席尊江鳧嘯風雨山鬼泣朝昏

岳州作

張說

夜夢雲闕間從容簪履列朝遊洞庭上緬望京華絕
潦收江未清火退山更熱重欬視欲醉憤懣氣如噎
器留魚髓腥衣點蚊蠅血髮白思益壯心元用彌拙
冠劍拂苔蘚琴書坐廢撤惟有報恩字刻意長不滅

遊洞庭湖

張說

緬邈洞庭岫葱蒙水霧色宛在太湖中可望不可即

巴陵縣志

卷之二十四

藝文

三

剖竹守窮渚開門對奇域城池自縶籠纓綬爲徽纒

靡日不思往經時始願克飛棹越溟波維舟恣攀陟

竊窬入雲步崎嶇倚松息巖檀有鶴過壁字無人識

滴石香乳溜垂崖露草植玩幽輕霧阻討異忘曛逼

寒沙際水平霜樹籠烟直空宮闕莫覩地道窺難測

此處學金丹何人生羽翼誰傳九光要幾拜三仙職

紫氣徒想像清潭長渺默霓裳若有來觀我雲峯側

岳州行郡竹籬

張說

山郡不溝郭荒居無翳壑愛人忠主利善守閉爲勇
苟非小勤瘁安得期逸籠版圖土疎襄城嫌役重

湘聊可固筠篁近易奉差池截浦沙繚繞
畫似長雲亘森如高戟聳預絕豺狼憂知免牛羊
問里寬矯步榛藜恣踏踵始果遊處心終日成閑拱

早霽南樓

張說

山水佳新霽南樓翫初旭夜來枝半紅雨後洲全綠
四運相終始萬形紛代續適臨青草湖再變黃鶯曲
地穴穿東吳江流下西蜀歌聞湘渚遠舞見長沙促
心阻意徒馳神和生自足白髮悲上春知常謝先欲

滙湖山寺

張說

楚老遊山寺提攜觀畫壁揚袂指辟支睽眄相鬪鬪
巴陵縣志

卷之二十四 藝文

四

險哉透撞兒千金賭一擲成敗身自受傍人那歎息

出湖寄趙冬曦

張說

西泛平湖畫參差入亂山東瞻岳陽郡汗漫太虛間
窘步同行樂道文互屢看山戍上雲桂江亭臨水關
川途倏忽間風景依如昨湘浦未賜環荆門猶主諾
何時與美人載酒遊宛洛

和尹忞秋夜遊滙湖

張說

坐嘯人事閑佳遊野情發山門送落照湖口昇微月
林尋猿狖居水戲龍鼉穴湖風吹飛雁芳草亦云歇

其二

漚湖佳可遊旣近復能幽林裏棲精舍山間轉去舟
雁飛江月冷猿嘯野風秋不是遠鄉客爭奇處處留

岳州別姚司馬紹之制許歸侍 張說

和玉悲無已長沙宦不成天從扇枕願人遂倚門情
方外懷司馬江東憶步兵問君棲泊處空嶺夜猿驚
與趙冬曦尹恣子均登南樓 張說

危樓瀉洞湖積水照城隅命駕邀漁火通家引鳳雛
山晴紅蕖匝洲曉綠苗鋪舉目思鄉縣春光定不殊
岳州守歲 張說

除夜清樽滿寒庭燎火多舞衣連臂拂醉坐合聲歌
巴陵縣志 卷之二十四 藝文 五

至樂都忘我真心自委和今年只如此來歲更加節

岳州山城 張說

山城豐日暇閉戶見天心東曠迎朝色西樓引夕陰
書觀千載近學靜二毛深忽有南風至吹君堂上琴
岳州贈廣平公宋大夫 張說

亞相本時英歸來復國楨朝推長孺直野暮隱之清
傳節還闕幃皇華入漢京寧思江上老歲晏獨無成
岳州宴別潭州王熊二首 張說

絲管清且哀一曲傾一杯氣將然諾重心向友朋開
古木無生意寒雲若死灰贈君芳杜草爲植建章臺

其二

緡雲連省閣溝水遠西東然諾心猶在容華歲不同
孤城臨楚塞遠樹入秦宮誰念三千里江潭一老翁
廣川蕭都督入朝過岳州宴餞得冬字

張說

孤城抱大江節使往朝宗果是臺中舊依然水上逢
京華遙比日疲老颯如冬竊羨能言鳥銜恩向九重
送岳州李十從軍桂州

張說

送客之江上其人美且才風波萬里闊故舊十年來
劍拔蛟隨斷弓張鳥自摧陽橋書落落驛馬定先回
巴陵縣志

卷之二十四 藝文

六

岳州別趙國公王十一珪入朝
昔濫貂蟬長同承雨露霏今參魚鼈守望美洞庭歸
浦樹懸秋影江雲燒落輝離魂似征雁恒在帝鄉飛
岳州別子均

張說

離筵非燕喜別酒正銷魂念汝猶童孺嗟予隔遠藩
津亭拔心草江路斷腸猿他日將何見愁來獨倚門
滙湖山寺

張說

空山寂歷道心生虛谷迢遙野鳥聲禪室從來塵外
賞香臺豈是世中情雲間東嶺千重出樹裏南湖一
片明若使巢由同此意不將蘿薜易簪纓

同趙侍御巴陵早春作

張說

江上春來早可觀
巧將春物妬餘寒
水苔共繞留鳥
石花鳥爭開鬪
鳴欄佩勝芳辰日
漸暖然燈美夜月
初團意隨北雁雲
飛去莫待南州蕙草殘

岳州守歲二首

張說

夜風吹醉舞庭戶
對酣歌愁逐前年少
歡迎今歲多

其二

桃枝堪辟惡爆竹
好驚眠歌舞留今夕
猶言惜舊年

岳州看黃葉

張說

白首看黃葉徂顏
復幾何空慙棠樹下
不見政成歌

巴陵縣志

卷之二十四 藝文

七

送梁六

張說

巴陵一望洞庭秋
日見孤峯水上浮
聞道神仙不可
接心隨湖水共悠悠

和尹從事忝泛洞庭

張說

平湖一望水連天
秋景千尋下洞泉
忽驚水上江華
滿疑是乘舟到日邊

岳州別梁六入朝

張說

遠洑長沙渚欣逢
貴誼才江山疲應
接風日復晴開
江樹雲間斷湘山
水上來近洲朝鷺
集古戍夜猿啼
岸芷含蒼萼汀蒲
秀紫臺月餘偏地
賞心盡故人歸

自我違京洛嗟君此沂泗容華因別老交舊與年顏
夢見長沙陌朝宗實盛哉

岳州觀競渡

張說

畫作飛鳧艇雙雙競拂流低裝山色變急棹水華浮
土尚三閭俗江傳二女游齊歌迎孟姥獨舞送陽侯
鼓發南湖差標爭西驛樓並舟恒詫速非畏日光道

遊洞庭湖

張說

平湖曉望分仙嶠氣氛氲鼓枻乘清渚尋峯弄白雲
江寒天一色日靜水重紋樹坐參猿嘯沙行入鷺羣
緣源斑籛密罨徑綠蘿紛洞穴傳虛應楓林覺自薰
巴陵縣志 卷之二十四 藝文 八

雙童有靈藥願取獻明君

岳州作

張說

水國生秋草離居早及瓜山川臨洞穴風日望長沙
土物南州異關河北信賒日昏聞怪鳥地熱見修蛇
這人夢歸路瘦馬嘶去家正有江潭月徘徊戀物華

岳州西城

張說

水國何遼曠風波遂極天西江三紀合南浦二湖連
危堞臨清境煩憂暫豁然九圍觀掌內萬象閱眸前
日去長沙渚山橫雲夢田江霞變秋色津樹入寒烟
潛穴探靈詭浮生揖聖仙至今人不見跡滅事空傳

巴邱春作

張說

日出洞庭水春山掛斷霞江潯相映發卉木共紛華
湘戍南浮漚荆關北望賒湖陰窺魍魎邱勢辨巴蛇
島戶巢爲館漁人艇作家自憐心問景三歲客長沙

岳州夜坐

張說

炎洲苦三伏永日臥孤城賴此閑庭夜蕭條夜月明
獨歌還太息幽感見餘聲江近鶴時叫山深猿屢鳴
息心觀有欲棄智返無名五十知天命吾其達此生

別漚湖

張說

念別漚湖去浮舟更一臨千峯出浪險萬木抱煙深

巴陵縣志

卷之二十四

藝文

九

南郡延恩渥東山戀宿心露花香欲醉時鳥囀餘音
涉趣皆留賞無奇不徧尋莫言山水間幽意在鳴琴

對酒行巴陵作

張說

留侯封萬戶園令壽千金本爲成王業初由賦上林
繁榮安足恃霜露遞相等鳥哭楚山外猿啼湘水陰
夢中城闕近天畔海雲深空對忘憂酌離憂不去心

岳州宴姚紹之

并序

張說

姚司馬往在栢臺每飲骨鯁及茲荒服偶得
官聯復有令弟美允芬芳襲予山寺外廬幽
深形勝童冠是集歡言賦詩

杞梓滯江濱光華向日新難兄金作友婚子玉爲人
山水含秋興池亭借善隣簷松風送靜院竹鳥來馴
翠竿吹黃菊瑠盤膾紫鱗緩歌將醉舞爲拂繡衣塵
將至岳陽有懷趙二

張九齡

湘岸多深林青冥晝結陰獨無謝客賞況復賈生心
草色雖云發天光或未臨江潭非所遇爲爾白頭吟

岳州有贈

張九齡

極浦三春草高樓萬里心楚山晴靄碧湘水暮流深
忽與朝中舊同爲澤畔吟停杯試北望還欲淚沾襟

岳州九日宴道觀西閣

張九齡

巴陵縣志

卷之二十四 藝文

十

搖落長年歎蹉跎遠宦心北風嘶代馬南浦宿陽禽
佳此黃花酌酣餘白首吟涼雲霾楚望濛雨蔽荆岑
登眺思清景誰將眷濁陰釣歌出江霧樵唱入山林
魚以嘉名採木爲美材侵大道由中悟逍遙匪外尋
參佐多君子詞華妙賞音留題洞庭觀望古意何深

遊澗湖上寺

王 琚

春山臨遠壑水木自幽清夙昔懷微尚茲焉一放情
雲間聽弄鳥烟上摘初英地僻方無悶逾知道思清
自荆湖入朝至岳陽奉別張燕公

王 琚

五載朝天子三湘逢舊僚扁舟方輟權清論遂終朝
遠樹煙間沒長江地際遙帝城馳夢想歸帆滿風颺

奉陪張丞相登南樓

尹 忭

君子每垂眷江山共流眄水遠林外明巖近霧中見
終日西北望何處是京縣屢登高春臺徒使淚如霰
秋夜陪張丞相趙侍御遊滄湖二首

并序

尹 忭

燕公以司馬初到趙侍御客焉聿理方舟嬉
遊滄壑覽山川之異探泉石之奇騁望崇朝
留尊待月一時之樂豈不盛與賦詩者列之

巴陵縣志

卷之二十四

藝文

十一

於左

熊軾巴陵地鷁舟湘水潯江山與勢遠泉石自幽深
杳靄入天壑冥茫見道心超然無俗事清宴有空林

其二

江上饒奇山噴羅雲水間風和樹色雜苔古石文斑
巴俗將千澹滄湖凡幾灣嬉遊竟不盡乘月泛舟還

同燕公汎洞庭

尹 忭

風光浙浙草中飄日彩熒熒水上搖幸奏瀟湘雲壑
意山傍容與動仙橈

南樓詩

趙冬曦

大瞻躋南樓憑軒肆遐矚物華蕩暄氣春景媚晴旭
川霽湘山孤林芳楚雲緡列巖重疊翠遠岸透迤綠
風帆摩天垠漁艇散灣曲鴻歸鶴舞送猿叫鶯聲續
羣動皆熙熙憶予獨羈束常欽才子意忘鵬傷踈
雅尚騷人文懷沙何迫促未知二賢意去矣從所欲
陪張丞相行都竹籬

趙冬曦

良臣乃國寶麾守夫承明外戶人無閉浮江獸已行
隨來晉盜遷民化蜀風清郭郭從彝典州閭荷德聲
小人投天涯流落巴邱城所賴中和作優游鑿與耕

陪張燕公登南樓

趙冬曦

巴陵縣志

卷之二十四

藝文

十二

抑鬱何以歡陰氛亦登望孤鳥輕霧裏行舟白波上
日勞西北雲心醉東南嶂昔日青谿子胡然此無狀

滄湖作

趙冬曦

三湖返入兩山間畜作滄湖彎復彎暑雨奔流潭正
滿微霜及潦水初還水還波卷谿潭潤綠草芊芊岸
嶄乍適來飛權共廻旋已復揚鞭恣行樂道傍耆老
步蹢躅楚言茲事不知年試就湖邊披草徑莫疑東
海變桑田君訝今時盡陵陸我看明歲更淪漣來今
自昔無終始人事迴環常若是應思闕下聲華日誰
若江潭旅遊子初貞正喜固當然往蹇來譽宜可俟

盈虛用舍輪輿旋勿學靈均遠問天

和燕公岳州山城

趙冬曦

為吏恩猶舊投沙惠此蒙江邊悠爾處泗上宛然同
訪道精言合論經大義通鳴琴有真氣況已沐清風
和尹忝秋夜遊滄湖二首

趙冬曦

政理常多暇方舟此泝洄吹笙虛洞答舉楫便風催
幽暗雲猶辨潭幽月稍來清谿無數曲未盡莫先回

其二

煙靄夕微蒙幽灣賞未窮艤舟待初月褰幌招遠風
鶴聲聒前浦漁火明暗叢東山雲壑意不謂爾來同

巴陵縣志

卷之二十四

藝文

十三

陪燕公遊滄湖上寺

趙冬曦

江外多山水招要步馬來琴將天籟合酒共鳥聲催
巖坐攀紅藥谿行愛綠苔所懷非此地遊望亦裴回

和燕公別滄湖

趙冬曦

南湖美泉石君子翫幽奇灣澳陪臨泛巖岵共踐窺
秋風蘋桂竦春景綠楊垂郢路委分竹湘濱擁去塵
枉帆懷勝賞留景惜差池水木且不棄情由良可知

奉別張岳州說二首

一作答張燕公岳州宴別

王熊

長沙辭舊國洞庭逢故人薰蘭敦久要披霧轉相親
歲月空嗟老江山不惜春忽聞黃鶴曲更作白頭新

其二

平生共風月倏忽間山川不期交淡水暫得款忘
興逸方罷釣帆開欲解船離心若危施朝夕為君
入朝別張燕公

梁知微

華容佳山水之子厭承明符竹紆小郡江湖被德聲
三年計吏入路指巴邱城鳧舫纜結纜騶駕已相迎
別離他鄉酒委曲故人情孤嶼早煙薄長波晚氣清
辛勤方遠涉勞賞屢難并迴瞻洞庭浦日暮愁雲生
奉和張岳州王潭州別詩二首

并序

韋嗣立

巴陵縣志

卷之二十四

藝文

十四

予昔忝省閣與岳州張使君說潭州王都督
熊同官聯事後承朝譴各自東西張公與王
都督別詩二首情頗殷切余覽以嘆因遙申

和云

茂先王佐才作牧楚江隈登樓正欲賦復遇仲宣來
黃鵠飛將遠雕龍文為開寧知昔聯事聽曲有餘哀

其二

昔時陪二賢纓冕會神仙一去馳江海相逢共播遷
無因千里駕忽覩四愁篇覽諷歡何已歡終徒愴然
和尹恣登南樓

張均

客來已兩春更瞻韶光早花鳥既環合江山復駢均
樓形寫北潭堞勢凌青島白雲謝歸雁馳懷洛陽道

岳陽晚景

一作張說詩誤

張均

晚景寒鴉集秋風旅雁歸水光浮日出霞彩映江飛
洲白蘆花吐圓紅蒲葉稀長沙卑濕地九月未成衣

九日巴邱登高

一作張說詩誤

張均

客心驚暮序賓雁下滄洲共賞重陽節言尋戲馬遊
湖光扶戍柳江雨暗山樓且酌東籬酒聊祛南國憂

和尹忭秋夜遊澹湖二首

張均

遠水沈西日寒沙聚夜鷗平湖乘月滿飛棹接星流
巴陵縣志

卷之二十四 藝文

十五

黃葉鳴淒吹蒼葭掃暗洲願移滄浦賞歸待潁川遊

其二

潭灣幽意深杳靄涵寒岑石痕秋水落嵐氣夕陽沈
澄徹天為底淵元月作心青溪非大隱歸弄白雲潯

奉和岳州山城

一作張均詩

張均

郡館臨清賞閑局坐白雲訟虛棠戶曙觀靜竹簷曛
懸榻迎賓下趨庭學禮聞風傳琴上意遙向日華紛

二妃廟送裴侍御使桂陽

李頎

江上秋霜晚蒼蒼堯女祠無人見精魄萬古寒猿悲
桂水身沒後椒漿神降時回雲迎赤豹驟雨颯文狸

受命出炎海焚香徵楚詞乘驄感遺跡一弔清川湄

湘夫人

李頎

九疑日已暮三湘雲復愁宵靄羅袂色潺湲江水流
佳期來北渚捐珉在芳洲

洞庭湖寄閻九

孟浩然

洞庭秋正滿予欲泛歸船莫辨荆吳地惟餘水共天
渺瀰江樹沒合沓海潮連遲爾爲舟楫相將濟巨川
望洞庭湖上張丞相

孟浩然

八月湖水平涵虛混太清氣蒸雲夢澤波撼岳陽城
欲濟無舟楫端居耻聖明坐觀垂釣者徒有羨魚情

巴陵縣志

卷之二十四

藝文

十六

巴陵別劉處士

王昌齡

劉生隱岳陽心遠洞庭水偃帆入山郭一宿楚雲裏
竹映秋館深月寒江風起烟波桂陽接日夕數千里
嫋嫋清夜猿孤舟坐如此湘中有來鴈雨雪候音旨

岳陽別李十七越賓

王昌齡

相逢楚水寒舟在洞庭驛具陳江波事不異淪棄跡
杉上秋雨聲悲切蒹葭夕彈琴收餘響來送千里客
平明孤帆心歲晚濟代策時在身未克瀟湘不盈晝
湖小洲渚聯澹淡煙景碧魚鼈自有性龜龍無能易
譴黜同所安風土任所適閉門觀元化攜手遺損益

巴陵送李十二

王昌齡

搖曳巴陵洲渚分清江傳語便風聞山長不見秋
色日暮蒹葭空水雲

巴陵早秋寄荊州崔司馬吏部問功曹舍人

賈至

謫居瀟湘渚再見洞庭秋極目連江漢西南浸斗牛
酒酒盪雲夢淡淡搖巴邱曠如臨渤澥窅疑造瀛洲
君山麗中波蒼翠長夜浮帝子去永久楚詞尙悲愁
我同長沙行時事加百憂登高望舊國戎馬滿東周
宛葉遍蓬蒿樊鄧無良疇獨攀青楓樹淚灑滄江流

巴陵縣志

卷之二十四 藝文

七

故人西掖寮同扈岐陽蒐差池盡三黜踰躋各南州
相去雖地近不得從之遊耿耿雲陽臺迢迢王粲樓
鼓予暮霞裏誰謂無輕舟

巴陵寄李二戶部張十四禮部 賈至

江南芳草初纂纂愁殺江南獨愁客秦中楊柳也應
春轉憶秦中相憶人萬里鶯花不相見登高一望汨
沾巾

送王員外赴長沙 賈至

携手登臨處巴陵天一隅春生雲夢澤水溢洞庭湖
共歎虞翻枉同悲阮籍途長沙舊卑濕今古不應殊

西亭春望

賈至

日長風暖柳青青北鴈歸飛入省冥岳陽城上聞吹
笛能使春心滿洞庭

初至巴陵與李十二白裴九同泛洞庭湖三首

賈至

江上相逢皆舊遊湘山永望不堪愁明月秋風洞庭
水孤鴻落葉一扁舟

楓岸紛紛落葉多洞庭秋水晚來波乘興輕舟無近
遠白雲明月弔湘娥

江畔楓葉初帶霜渚邊菊花亦已黃輕舟落日興不
已陵縣志

卷之二十四 藝文

十八

盡三湘五湖意何長

巴陵夜別王八員外

賈至

柳絮飛時別洛陽梅花發後在三湘世情已逐浮雲
散離恨空隨江水長

洞庭送李十二赴零陵

賈至

今日相逢落葉前洞庭秋水遠連天共說金華舊遊
處回看北斗欲潸然

岳陽樓重宴別王八員外貶長沙

賈至

江路東連千里湖青雲北望紫微遙莫道巴陵湖水

澗長沙南畔更蕭條

荆州賊平臨洞庭言懷

李白

修蛇橫洞庭吞象臨海島積骨成巴陵遺言聞楚老
水窮三苗國地窄三湘道歲晏天辭嶮時危人枯槁
思歸阻喪亂去國傷懷抱郢路方邱墟章華亦顛倒
風悲猿嘯苦木落鴻飛早日隱西赤沙月明東城草
關河望已絕氛霧行當掃長叫天可聞吾將問蒼昊

秋望洞庭

李白

清晨登巴陵周覽無不極明湖映天光徹底見秋色
秋色何蒼然際海俱澄鮮山青滅遠樹水綠無寒烟

巴陵縣志

卷之二十四

藝文

九

來帆出江中去鳥向日邊風清長沙浦霜空雲夢田
聽光惜頽髮閱水悲徂年北渚旣蕩漾東流自潺湲
郢人唱白雪越女歌采蓮聽此更腸斷憑崖泪如泉

洞庭湖

李白

日晚湘水綠孤舟無端倪明湖漲秋月獨泛巴陵西
偶憇裴逸人巖居凌丹梯抱琴出深竹爲我彈鷓鴣
幽盡酒亦傾北牕醉如泥人生且行樂何必組與圭

九月登巴陵望洞庭

李白

九月天氣清登高無秋雲造化闢山嶽了然楚漢
長風鼓橫波合沓覺龍文憶昔傳遊豫樓船壯橫

今茲討鯨鯢旌旆何繽紛白羽落酒樽洞庭羅二軍
黃花不掇手戰鼓遙相聞劍舞轉頽陽當時日停曛
酣歌激壯士可以摧妖氛齷齪東籬下淵明不足羣
登巴陵開元寺西閣贈衡嶽僧方外

李白

衡嶽有闡士五峯秀真骨見君萬里心海水照秋月
大臣南溟去問道皆請謁灑以甘露言清涼潤肌髮
明湖落天鏡香閣凌銀闕登眺餐惠風新花期啟發
答裴侍御先行至石頭驛以書見招期月滿泛

洞庭

李白

巴陵縣志

卷之二十四

藝文

三

君至石頭驛寄書黃鶴樓開緘識遠意速此南行舟
風水無定準湍波或滯留憶昨新月生西簷若瓊鉤
今來何所似破鏡懸清秋恨不三五明平湖泛澄流
此歡竟莫遂狂殺王子猷巴陵定遙遠持贈解人憂
洞庭醉後送絳州呂使君果流澧州

李白

昔別若夢中天涯忽相逢洞庭破秋月縱酒開愁容
贈劍刻玉字延平兩蛟龍送君不盡意書及鴈廻峯
與賈舍人於龍興寺望滄湖

李白

翦落青梧枝滄湖坐可窺雨洗秋山淨林光淡碧滋

水開明鏡轉雲繞畫屏移千古風流事名賢共此境
與夏十二登岳陽樓

李白

樓觀岳陽盡川迴洞庭開雁引愁心去山銜好月來
雲間逢下榻天上接行杯醉後涼風起吹人舞袖迴
巴陵贈賈舍人

李白

賈生西望憶京華湘浦南遷莫怨嗟聖主恩深漢文
帝憐君不遣到長沙

陪族叔刑部侍郎曄及中書舍人至遊洞庭五

首

李白

洞庭西望楚江分水盡南天不見雲日落長沙秋色

巴陵縣志

卷之二十四

藝文

三

遠不知何處弔湘君

帝子瀟湘去不還空餘草色洞庭間淡掃明湖開玉
鏡丹青畫出是君山

洛陽才子謫湘川元禮同舟月下仙記得長安還欲
笑不知何處是西天

南湖秋水夜無烟耐可乘流直上天且就洞庭賒月
色將船買酒白雲邊

洞庭湖西秋月輝瀟湘江北早鴻飛醉客滿船歌白
紵不知霜露入秋衣

陪侍郎叔遊洞庭醉後三首

李白

今日竹林宴我家賢侍郎三杯容小阮醉後發清吟
其二

船上齊橈樂湖心泛月歸白鷗閒不在爭拂酒筵來
其三

剗却君山好平鋪湘水流巴陵無限酒醉殺洞庭秋
寄韓諫議注
杜甫

今我不樂思岳陽身欲奮飛病在床美人娟娟隔秋
水濯足洞庭望八荒鴻飛冥冥日月白青楓葉赤天
雨霜玉京羣帝集北斗或騎麒麟翳鳳凰芙蓉旌旗
煙霧樂影動倒景搖瀟湘星宮之君醉瓊漿羽人稀
巴陵縣志
卷之二十四
藝文
三

少不在旁似聞昨者赤松子恐是漢代韓張良昔隨
劉氏定長安帷幄未改神慘傷國家成敗吾豈敢色
難腥腐粲楓香周南留滯古所惜南極老人應壽昌
美人胡爲隔秋水焉得置之貢玉堂

泊岳陽城下

杜甫

江國踰千里山城僅百層岸風翻夕浪舟雪灑寒燈
留滯才難盡艱危氣益增圖南未可料變化有龍鵬

登岳陽樓

杜甫

昔聞洞庭水今上岳陽樓吳楚東南坼乾坤日夜浮
親朋無一字老病有孤舟戎馬關山北憑軒涕泗流

陪裴使君登高陽樓

杜甫

湖濶兼雲霧樓孤屬晚晴
禮部徐孺子詩接謝宣城
雪岸叢梅發春泥百草生
敢違漁父問從此更南征

過洞庭

杜甫

蛟室圍青草龍堆擁白沙
護隄盤古木迎棹舞神鴉
破浪南風正回櫂畏日斜
湖光與天遠直欲泛靈槎

宿青草湖

杜甫

洞庭猶在目青草續為名
宿櫓依農事郵籤報水程
寒冰爭倚薄雲月遞微明
湖雁雙雙起人來故北征

宿白沙驛

杜甫

巴陵縣志

卷之二十四

藝文

三

水宿仍餘照人烟復此亭
驛邊沙蒼白湖外草新青
萬象皆春氣孤槎自客星
隨波無限月的的近南濱

湘夫人祠

杜甫

肅肅湘妃廟空牆碧水春
蟲書玉佩蘼蕪舞翠帷
塵晚泊登汀樹微馨借渚
蘋蒼梧恨不盡染淚在叢筠

祠南夕望

杜甫

百丈牽江色孤舟泛日斜
興來猶杖履目斷更雲沙
山鬼迷春竹湘娥倚暮花
湖南清絕地萬古一長嗟

過南嶽入洞庭湖

杜甫

洪波忽爭道岸轉異江湖
鄂渚分雲樹衡山引舳艫

牙穿衰髮碧節上寒蒲病渴身何去春生方更
堪童犁雨雪漁屋架泥塗欹側風帆滿微冥水照
悠悠迴赤壁浩浩畧蒼梧帝子留遺恨曹公屈壯圖
聖朝光御極殘孽駐艱虞才淑隨所養名賢隱鍛鑪
邵平原入漢張翰後歸吳莫悞啼痕數危檣逐夜烏
湘中有懷
張謂

八月洞庭秋瀟湘水北流還家萬里夢爲客五更愁
不用開書帙偏宜上酒樓故人京洛滿何日復同遊
初至洞庭懷瀟陵別業
劉長卿

長安邈千里月夕懷雙闕已是洞庭人猶看瀟陵月
巴陵縣志
卷之二十四
三

誰堪去鄉意親戚想天末難在夢中歸煙波覺來濶
江草見芳草孤客心欲絕豈訝青春來但傷經時別
長天不可望與浮雲沒

九月岳陽待黃遂張渙

劉長卿

別君頗已久離念與時積楚水空浮烟江樓望歸定
徘徊正符想鬢如暫覲心目徒自親風波何計
青林泊舟處猿鳥愁孤驛遙見郭外山蒼然雨中久
季鷹久疏曠叔度早疇昔反權來何遲黃花候君菊

雨中過袁稷巴陵山居贈別

劉長卿

憐君洞庭上白髮向人垂積雨悲幽獨長江對別離

明多終期一艇隨樵去來往片帆愁白波

青谿友人歸岳陽

劉長卿

洞庭何處雁南飛江葵蒼蒼客去稀帆帶夕陽千里
沒天連秋水一人歸黃花衰露開沙岸白鳥銜魚上
釣磯歧路相逢無可贈老來空有淚沾衣

自夏口至鸚鵡洲夕望岳陽寄阮中丞

劉長卿

汀洲無浪復無煙楚客相思益渺然漢口夕陽斜度
鳥洞庭秋水遠連天孤城背嶺寒吹角獨樹臨江夜
泊船賈誼上書憂漢室長沙謫去古今憐

巴陵縣志

卷之二十四

藝文

三六

湘妃廟

劉長卿

帝子不可見秋風來暮思嬋娟湘江月千載空蛾眉

岳陽樓晚望

崔珣

乾坤千里水雲間釣艇如萍去復還樓上北風斜捲
席湖中西日倒銜山懷沙有恨騷人在鼓瑟無聲帝
子問何事黃昏山凝睇數行煙樹接荆蠻

湘夫人

鄒紹先

楓葉下秋渚二妃愁渡湘疑山空杳藹何處望君王
日落水雲裏悠悠心自傷

晚次巴陵

李端

雪後柳條新巴陵城下人烹魚招水客載酒奠山
雲去低斑竹風來動白蘋不堪逢楚老日暮正江春

宿洞庭

李端

白水連天暮洪波帶日流風高雲夢夕月滿洞庭秋
沙上漁人火煙中買客舟西園與南浦萬里共悠悠

送人歸岳陽

李益

煙草連天楓樹齊岳陽歸路子規啼春江萬里巴陵
戍落日看沉碧水西

韓十八侍御見示岳陽樓別竇司直詩因令屬
和重以自述故足成六十二韻

巴陵縣志

卷之二十四

藝文

二十七

劉禹錫

楚望何蒼然曾瀾七百里孤城寄遠目一寫無窮已
蕩漾浮天蓋四環宜地理積漲在三秋混成非一水
冬遊見清淺春望多洲沚雲錦遠沙明風烟青草靡
火星忽南見月缺方東迤雪波西山來隱若長城起
獨專朝宗路駛悍不可止支川讓其威蓄縮至南委
熊武走蠻落瀟湘來與鄙炎蒸動泉源積潦按山趾
歸徃無旦夕包含通遠邇行當白露時眇視秋光裏
曙色未昭晰露華遙斐疊浩爾神骨清如觀混元始
北風忽震盪驚浪迷津涘怒激鼓鏗訇蹙成山巋窅

鷓鴣疑變化罔象何恢詭噓吸寫樓臺騰驤露鬣尾
景移羣動息波靜繁音彌明月出中央青天絕纖滓
素光淡無際綠靜平如砥空影渡鷓鴻秋聲思蘆葦
鯨人弄機杼貝闕駢紅紫珠蛤吐玲瓏文鯨翔旖旎
水鄉吳蜀限地勢東南庠翼軫粲垂精衡巫屹環峙
名雄七澤藪國辨三苗氏唐羿斷修虵荆王憚青兕
秦狩蹟猶在虞巡路從此軒后奏宮商騷人詠蘭芷
茅嶺潛相應橘洲傍可指郭璞驗幽經羅含著前紀
觀津戚里族按道侯家子聯袂登高樓臨軒笑相視
假守亦高臥墨曹正垂耳契濶話涼溫壺觴慰遷徙
巴陵縣志

卷之二十四

藝文

三六

地偏山水秀客重杯盤侈紅袖花欲然銀燈晝相似
典酣更抵掌樂極同啟齒筆鋒不能休藻思一何綺
伊余負微尙夙昔慙知己出入金馬門交結青雲士
龔芳踐蘭室學古遊槐市策慕宋前軍文師漢中壘
陋容昧俯仰孤志無依倚衛足不如葵漏川空歎蟻
幸逢萬物泰獨處窮途否鍛翮重疊傷兢魂再三禱
遷瑗亦屢化左邱猶有耻桃源訪仙宮薜服祠山鬼
故人南臺舊一別如弦矢今朝會荆蠻斗酒相宴喜
爲余出新什笑拈隨伸紙擘若觀五色歡然臻四美
委曲風濤事分明窮達旨洪韻發華鐘淒音激清徵

羊瀟要共和江淹多雜擬徒欲仰高山焉能追
湘洲路四達巴陵城百雉何必顏光祿留詩張內

洞庭秋月行

劉禹錫

洞庭秋月生湖心層波萬頃如鎔金孤輪徐轉光不
定遊氣濛濛隔寒鏡是時白露三秋中平湖月上天
地空岳陽城頭暮角絕蕩漾已過君山東山城蒼蒼
夜寂寂水月逶迤繞城白蕩樂巴童歌竹枝連檣估
客吹羌笛勢高夜久陰力全爽氣肅肅開星躔浮雲
夜鳥啼四裔首冠星斗當中天天雞相呼曙霞出歛
影含光讓朝日日出喧喧人不閉夜來清景非人間
巴陵縣志

卷之二十四

藝文

三五

君山懷古

劉禹錫

屬車八十一此地阻長風千載威靈盡赭山寒水中

君山

一作君山巖詩

劉禹錫

午夜君山玩月迴西鄰小圃碧蓮開天香風露蒼然
冷雲在清霄鶴未來

望洞庭

劉禹錫

湖光秋月兩相和潭面無風鏡未磨遙望洞庭山水
翠白銀盤裏一青螺

登岳陽樓

麻温其

湖邊景物屬秋天樓上風光似去年仙侶縱生留福

地湘娥帝子寄哀絃雲門自繞軒臺外木葉偏飛楚
客前極目江山何處是一帆萬里信歸船

諒公洞庭孤橘歌

顧況

不種自生一株橘誰教渠向塔前出不羨江陵千木
奴下生白蟻子上生青雀雛飛花簾蔔旃檀香結實
如綴摩尼珠洞庭橘樹籠烟碧洞庭波月連沙白待
取天公放恩赦儂家定作湖中客

湘中送友人

顧況

青草湖邊月色低黃茅嶂裏鷓鴣啼丈夫飄泊今如
此一曲長歌楚水西

巴陵縣志

卷之二十四

藝文

七

自蜀江至洞庭湖口有感而作

白居易

江從西南來浩浩無旦夕長波逐若瀉連山蹙如劈
千年不壅潰萬姓無墊溺不爾民為魚大哉禹之績
導岷既艱遠距海無咫尺胡為不訖功湖水斯委積
洞庭與青草大小兩相敵混合萬丈深森茫千里白
每歲秋夏時浩大吞七澤水族窟穴多農人土地窄
我今尚嗟歎禹豈不愛惜邈未究其由想古觀遺蹟
疑此苗人頑恃險不終役帝亦無奈何留患與今昔
水流天地內如身有血脈滯則為疽疣治之在鍼石
安得禹復生為唐水官伯手提倚天劍重來親指畫

疏河似翦紙決壅如裂帛滲作膏腴田踴平魚鼈宅
龍宮變閭里水府生禾麥坐添百萬戶書我司徒籍

題岳陽樓

白居易

岳陽樓下水漫漫獨上危樓凭曲欄春岸綠時連夢
澤夕波紅處近長安猿攀樹立啼何苦雁點湖飛渡
亦難此地唯堪畫圖障華堂張與貴人看

岳陽樓別竇司直

韓愈

洞庭九州間厥大誰與讓南匯羣崖水北注何奔放
瀦爲七百里吞納各殊狀自古澄不清環混無歸向
炎風日按攪幽怪多冗長軒然大波起宇宙隘而妨

巴陵縣志

卷之二十四

藝文

三

巍峩拔嵩華騰踔較健壯聲音一何宏轟轡車萬兩
猶疑帝軒轅張樂就空曠蛟螭露筍簷編練吹組帳
鬼神非人世節奏頗跌踴陽施見誇麗陰閉感悽愴
朝過宜春口極北缺隄障夜纜巴陵洲叢芮纏可傍
星河盡涵泳俯仰迷下上餘瀾怒不已喧聒鳴甕盎
明登岳陽樓輝煥朝日亮飛廉戢其威清宴息纖纒
泓澄湛凝綠物影巧相況江豚時出戲驚波忽蕩漾
當時冬之孟隙竅縮寒漲前臨指近岸側坐眇難望
滌濯神魂醒幽懷舒以暢主人孩童舊握手作忻悵
憐我竄逐歸相見得無恙開筵交履舄爛漫例家釀

盜行無留停高柱送清唱中盤進橙栗投擲傾
歡窮悲心生婉變不能忘念昔始讀書志欲干霸王
屠龍破千金爲藝亦云亢愛才不擇行觸事得讒謗
前年出官由此禍最無妄公卿採虛名擢拜識天仗
姦猜畏彈射斥逐恣欺誑新恩移府庭逼劄厠諸將
吁嗟苦鴛緩但懼失宜當追思南渡時魚腹昔所差
巖程迫風帆劈箭入高浪顛沈在須臾忠鯁誰復諒
生還真可喜克己自懲創庶從今日後粗識得與喪
事多改前好趣有獲新尙誓耕十畝田不取萬乘相
細君知蠶織穉子已能餉行當掛其冠生死君一訪
巴陵縣志

卷之二十四

藝文

三

洞庭湖阻風贈張十一署

韓愈

十月陰氣盛北風無時休蒼茫洞庭岸與子維雙舟
霧雨晦爭泄波濤怒相投雞犬斷四聽糧絕誰與謀
相去不容步險如礙山邱清談可以飽夢想接無由
男女喧左右啼飢但啾啾非懷北歸興何用勝羈愁
雲外有白日寒光自悠悠能令暫開霽過是吾無求

酬韓愈侍郎登岳陽樓見贈

自注時予權知岳州事

竇庠

巨浸連空濶危樓在杳冥稍分巴子國欲近老人星
昏日望新候川原按舊經地圖封七澤天限鎖重扃

萬象皆歸掌三光豈遁形月車纔碾浪日御已
落照金成柱餘霞翠擁屏夜光疑漢曲寒韻辨湘靈
山晚雲常碧湖春草徧青軒黃曾舉樂范蠡幾揚舲
有客初留鷁貪程尙數蓂自當徐孺榻不是謝公亭
雅論冰生水雄材刃發硎座中瓊玉潤名下萑蘭馨
假手誠知拙齊心匪斲寧每慙公府粟却憶故山苓
苦調當三歎知音願一聽自悲由也瑟敢墜孔惺銘
野杏初成雪松醪正滿瓶莫辭今日醉長恨古人醒
鹿角鎮

元稹

去年湖水滿此地覆行舟萬怪吹高浪千人死亂流

巴陵縣志

卷之二十四 藝文

三三

誰能問帝子何事寵陽侯漸恐鯨鯢大波濤及九州

洞庭湖

元稹

人坐除泛海便到洞庭波駕浪沉西日吞空接曙河

虞巡竟安在軒樂詎曾過唯有君山下狂風萬古多

岳陽樓

元稹

岳陽樓上日銜窓影到深潭赤玉幢悵望殘春萬般

意滿櫺湖水入西江

斑竹 自注得之湘流

元稹

一枝斑竹渡湘沅萬里行人感別魂知是娥皇廟前
物遠隨風雨送啼痕

湘妃怨

孟郊

南巡竟不返二妃怨逾積萬里喪蛾眉瀟湘水空碧
冥冥荒山下古廟收貞魄喬木深青春清光滿瑤席
攀芳徒自薦靈意殊脉脉玉佩不可親徘徊煙波夕
遊韋七洞庭別業 孟郊

洞庭如瀟湘疊翠蕩浮碧松桂無赤日風物饒清激
逍遙風雨韻參差逗良覲道勝不知疲冥搜自無斲
曠然青霞抱永矣白雲適崆峒非凡鄉蓬瀛在仙籍
無言從遠尙遠思君子識波濤激古岸鏗鏘辨竒石
靈響非外求殊音自中積人皆走煩濁君能致虛寂
巴陵縣志 卷之二十四 藝文 三

何以祛擾擾叩調清淅淅既懼豪華損誓從詩書益
一舉獨往姿再搖飛遁跡山深有變異意慙無驚惕
采翠奪日月照耀迷晝夕松齋何用掃蘿院自然滌
業峻謝煩蕪文高追古昔暫遙朱門戀終立青史績
物表易淹留人間重離析難追洞庭酌且醉橫塘席

黃陵

李賀

筠竹千竿老不死長伴秦娥蓋湘水蠻娘吟弄滿寒
空九山靜綠淚花紅離鸞別鳳煙梧中巫雲蜀道遙
相通幽愁秋氣上青楓涼夜波閒吟老龍

帝子歌

李賀

洞庭帝子一千里涼風雁啼天在水九節菖蒲石上
死湘神彈琴迎帝子山頭老桂吹古香雌龍怨吟寒
水光沙浦步魚白石郎間取真珠擲龍堂

湘竹歌

李賀

斑竹枝斑竹枝淚痕點點寄相思楚客欲聽瑤琴怨
瀟湘清夜月明時

杪秋登江樓

李賀

平楚超寒色長沙猶未還世情何處淡湘水向人閒
空翠隱高鳥夕陽歸遠山孤雲萬餘里惆悵洞庭間

岳州

杜牧

巴陵縣志

卷之二十四 藝文

三五

城高倚絕巘地勝足樓臺朔漠煖鴻去瀟湘春水來
縈盈幾多思掩抑若爲裁返照三聲角寒香一樹梅
烏林芳草遠赤壁健帆開往事空遺恨東流豈不迴
分符潁川政弔屈洛陽才拂匣調朱柱磨鉛湛玉杯
棊翻小窟勢壚潑凍醪醅此與予非薄何時得奉陪

送張員外出牧岳州

錢起

鳳凰銜詔與何人善政多才寵寇恂臺上鴛鴦爭送
遠岳陽雲樹待行春自憐黃閣知音在不厭彤幃出
守頻應笑馮唐衰且拙世情相見白頭新

湘靈鼓瑟

錢起

善鼓雲和瑟常聞帝子靈馮夷空自舞楚客不堪聽
苦調淒金石清音入杳冥蒼梧來怨慕白芷動芳馨
流水傳湘浦悲風過洞庭曲終人不見江上數峯青

湘夫人二首

樂府詩
作一首

郎士元

蛾眉對湘水遙哭蒼梧山萬乘既已歿孤舟誰忍還
至今楚竹上猶有淚痕斑

清江曲內一絕

崔峒

八月長江去浪平片帆一道帶風輕極目不分天水

巴陵縣志

卷之二十四 藝文

美

色南山南是岳陽城

湘靈鼓瑟

陳季

神女泛瑤瑟古祠嚴野亭楚雲來泱泱湘水助清泠
妙指微幽契繁聲入杳冥一彈新月白數曲暮山青
調苦荆人怨時遙帝子靈遺言如可賞試奏爲君聽

送顧秘書獻書後歸岳州

盧綸

黃葉落不盡蒼苔隨雨生當軒置樽酒送客歸江城
竹裏聞機杼舟中見弟兄岳陽賢太守應爲改鄉名

送岳州司馬弟之任

李嘉祐

嶽陽天水外念爾一帆過野墅人烟迴山城鴈影多

有時巫峽色終日洞庭波丞相今爲郡應無勞者歌
洞庭南館 張祐

一逕逗霜林朱欄遠碧岑地盤雲夢角山鎮洞庭心
樹白看烟起沙紅見日沉還因此悲屈惆悵一行吟

將離岳州留獻徐員外

張祐

高齋長對酒下客亦霑魚不爲江南去還來郡北居

聽岳州徐員外彈琴

張祐

玉律潛符一古琴哲人心見聖人心盡日南風似遺
意九疑猿鳥滿山吟

洞庭魚

李商隱

巴陵縣志

卷之二十四

藝文

三

洞庭魚可拾不假更垂簪開若雨前蟻多於秋後蠅
豈思鱗作筆仍計腹爲燈浩蕩天池路翱翔欲化鵬

岳陽樓

李商隱

欲爲平生一散愁洞庭湖上岳陽樓可憐萬里堪乘
輿枉是蛟龍解覆舟

岳陽樓

李商隱

漢水方城帶百蠻四鄰誰道亂周班如何一夢高唐
雨自此無心入武關

春日寄岳州從事李員外二首

溫庭筠

苒弱樓前柳輕空花外鶼蝶高飛有伴鶯早語無雙

翦勝裁春字開屏見曉江從來共情戰今日欲歸
其二

從小識賓卿恩深若弟兄相逢在何日此別不勝情
紅粉座中客綵旂江上城尙平婚嫁累無路逐雙旌
寄岳州李員外遠
溫庭筠

含嚔不語坐持頤天遠樓高宋玉悲湖上殘碁人散
後岳陽微雨鳥歸遲早梅猶得回歌扇春水還應理
釣絲獨有袁宏正顛顛一尊惆悵落花時

黃陵竹枝詞

一作李羣玉詩

李遠

黃陵廟前莎草春黃陵女兒茜裙新輕舟短棹唱歌
巴陵縣志
卷之二十四
藝文
三六
去水遠山長愁殺人

過洞庭

朱慶餘

帆挂狂風起茫茫大猛時波濤如未息舟楫亦堪疑
遠鴈投孤島長天下四維前程有平處誰敢與心期
夏末留別洞庭知己
朱慶餘

春秋時節近分袂獨淒然此地折高柳何門聽暮蟬
浪搖湖外日山背楚南天空感迢迢事榮歸在半年

題娥皇廟

朱慶餘

娥皇揮涕處東望九疑天往事難重問孤峯尙慘然
夜深寒峒響秋近碧蘿鮮未省明君意遺踪萬古傳

與龐復言攜酒望洞庭

朱慶餘

南湖春色通平遠
貪記詩情忘酒杯
帆自巴陵山下過
雨從神女峽邊來
青蒲映水疎還密
白鳥翻空去復回
盡日與君同看望
了然勝見畫屏開

送客楚南

馬戴

擬卜何山隱
高秋指岳陽
葦乾雲夢色
橘熟洞庭香
疎雨殘虹影
回雲背鳥行
靈均如可問
一爲哭清湘

楚江懷古

馬戴

露氣寒光集
微陽下楚邱
猿啼洞庭樹
人在木蘭舟
廣澤生明月
蒼葭夾亂流
雲中君不降
竟夕自悲愁

巴陵縣志

卷之二十四

藝文

三

夜入湘中

馬戴

洞庭人夜到
孤棹入湘中
露洗寒山遍
波搖楚月空
密林飛暗狖
廣澤發鳴鴻
行旅揚帆者
江分又不同

送劉山人歸洞庭

李頻

却共孤雲去
高眠最上峯
半湖乘早月中路
入疎鐘
秋盡蟲聲急
夜深山雨重
當時同隱者
分得幾株松

湖口送友人

李頻

中流欲暮見湘州
葦岸無窮接楚天
去雁遠衝雲夢雪
離人獨上洞庭船
風波盡日依山轉
星漢通霄向水連
零落梅花過殘臘
故園歸去又新年

宿開元寺樓

許渾

誰家歌裏裏孤枕在西樓竹色寒清簟松香染翠幃
月移珠殿曉風遞玉箏秋日出應移棹三湘萬里愁

送張尊師歸洞庭

許渾

能琴道士洞庭西風滿歸帆路不迷對岸水花霜後
淺傍簷山果雨來低杉松近晚移茶竈巖谷初寒蓋
樂畦他日相思兩行字無人知處武陵谿

過湘妃廟

許渾

古木蒼山掩翠蛾月明南浦起微波九疑望斷幾千
載斑竹淚痕今更多

巴陵縣志

卷之二十四

藝文

四

和王昭符進士贈洞庭趙先生

高駢

為愛君山景最靈角冠秋禮一壇星藥將雞犬雲間
試琴許魚龍月下聽自要乘風隨羽客誰同種玉驗
仙經烟霞寂寞無人到唯有漁翁過洞庭

湘浦曲

高駢

帝舜南巡去不還二妃幽怨水雲間當時珠泪垂多
少直到如今竹尚斑

湘妃怨

陳羽

二妃怨處雲沉沉二妃哭處湘江深商人酒滴廟前
草蕭颯風生斑竹林

初次巴陵

楊凝

西江浪接洞庭波積水遙連天上河鄉信為憑誰寄
去汀洲燕雁漸來多

岳陽

張喬

遠色岳陽樓湘帆數片愁竹風山上路沙月水中洲
力學桑田廢思歸鬢髮秋功名如未立豈易狎汀鷗

岳陽僧舍

張喬

喜到重湖地孤舟橫晚烟鷺銜魚入寺鴉接飯隨船
松檜君山迴菰蒲夢澤連與師吟論處秋水浸遙天

岳陽別張祐

李涉

巴陵縣志

卷之二十四 藝文

里

十年蹭蹬為逐臣鬢毛白盡巴江春鹿鳴猿嘯雖寂
寞水蛟山魅多精神山瘴困中聞有赦死灰不望光
陰借半夜州符喚牧童虛教衰病生驚怕巫峽洞庭
千里餘蠻陬水國何親疎由來真宰不宰我徒勞歎
者懷吹噓霸橋昔與張生別萬變桑田何處說龍蛇
縱在沒塗泥長衢却為驚駘設愛君氣堅風骨峭文
章真把江淹笑洛下諸生懼刺先烏鳶不得齊鷹鶴
岳陽西南湖上寺水閣松房遍文字新訂張生一首
詩自餘吟著皆無味策馬前途須努力莫學龍鍾虛
歎息

湘妃廟

李

班竹林邊有古祠，鳥啼花發盡堪悲。當時惆悵同今日，南北行人可得知。

中秋夜君山臺望月

李涉

大隄花裏錦江前，詩酒同遊四十年。不料中秋最明月，洞庭湖上見當天。

自澧浦東遊江表途出巴邱投員外從公虞

李羣玉

短翮後飛者，前攀鸞鶴翔。力微應萬里，矯首空蒼蒼。誰昔探河源，考槃西岳陽。高風動商洛，綺皓無馨香。巴陵縣志

卷之二十四

藝文

聖一

一朝下蒲輪，清輝照巖廊。孤醒立衆醉，古道何由昌。經術震浮盪，國風掃齊梁。文襟卽元圃，筆下成琳琅。雷水散吟嘯，松筠奉琴觴。冰壺避皎潔，武庫羞鋒鏘。小子書代耕，束髮頗自強。艱哉水投石，壯志空摧藏。十年侶龜魚，垂頭在沅湘。巴歌揜白雪，鮑肆埋蘭芳。騷雅道未喪，何憂名不彰。飢寒束困厄，默塞飛星霜。百志不成一，東波擲年光。塵生脫粟飯，萬里遠高堂。中夜恨火來，焚燒九回腸。平明梁山淚，綠枕霑匡床。依泊洞庭波，木葉忽已黃。哀礪擣秋色，曉月啼寒螿。復此櫂孤舟，雲濤浩浩茫。茫朱門待媒勢，程褐誰揄揚。

仰羨野陂鳧無心憂稻粱不如天邊鴈南北皆成行
男兒白日間變化未可量所希困辱地翦拂成騰騰
昨筆話肝肺永茲枯魚章何由首西路目斷白雲鄉
洞庭驛樓雪夜宴集奉贈前湘州張員外

李羣玉

昔與張湘州閒登岳陽樓目窮衡巫表與盡荆吳秋
擲筆落郢曲巴人不能酬是時簪裾會景物窮冥接
誤忝玳筵秀得陪文苑遊幾年雲楣上風雨沉銀鈎
洞庭遇秋

李羣玉

塵愁老朱顏久與江山隔逍遙澄湖上洗眼見秋色
巴陵縣志

卷之二十四 藝文

三

涼波弄輕櫂湘月生遠碧未減遙客情西望杳何極
湖中古愁三首

李羣玉

涼風西海來直渡洞庭水悠悠木葉下白浪連天起
蘅蘭委皓雪百草一時死摧殘負志人感歎何窮已
其二

昔我觀雲夢窮秋經汨羅靈均竟不返怨氣成微波
奠桂開古祠朦朧入幽蘿落日瀟湘上淒涼吟九歌
其三

南雲哭重華水死悲二女天邊九點黛白骨迷處所
朦朧波上瑟清夜降北渚萬古一雙魂飄飄在烟雨

岳陽春晚

李羣玉

不覺春物老塊然湖上樓雲沙鷓鴣啼風日沉湘秋
去翼滅雲夢來帆指昭邱所嗟芳杜晚寂寞對汀洲

湖澗

李羣玉

楚色籠秋草秋風洗洞庭夕霏生水寺初月落雲汀
棹響來空澗漁歌去杳冥欲浮東下艇一到斗牛星

中秋維舟君山看月二首

李羣玉

汗漫鋪澄碧朦朧吐玉盤雨師清滓穢川伯掃波瀾
氣射繁星滅光籠八表寒從來雲漲迥路上碧霄寬

其二

巴陵縣志

卷之二十四 藝文

四四

熠燿遊何處蟾蜍食漸殘棹翻銀浪急林映白虹攢
練影連河曉冰暉壓樹乾夜深高不動天上仰頭看

洞庭入澧江寄巴邱故人

李羣玉

四月桑半枝吳蠶初弄絲江行好風日燕舞輕波時
去事旋成夢來歡難預期唯憑東流水日夜寄相思

中秋夜南樓寄友人

李羣玉

海月出銀浪湖光射高樓朗吟無淥酒賤價買清秋
氣冷魚龍寂輪高星漢幽他鄉此夜客對景餞多愁
重經巴邱追感開成初陪故員外從翁詩酒遊

泛作

李羣玉

昔年高接李膺歡日泛仙舟醉碧瀾詩句亂隨春草
酒腸俱逐洞庭寬浮生聚散雲相似往事微茫夢
一般今日片帆城下過秋風回首淚闌干

湖寺清明夜遣懷

李羣玉

柳暗花香愁不眠獨凭危檻思悽然野雲將雨度微
月沙鳥帶聲飛遠天久向飢寒拋弟妹每因時節憶
團圓飭餐冷酒明年在未定萍蓬何處邊

黃陵廟

李羣玉

小孤洲北浦雲邊二女啼粧共儼然野廟向江春寂
寂古碑無字草芊芊東風日暮吹香芷落日山深哭
巴陵縣志

卷之二十四 藝文

五

杜鵑猶似含顰望迴狩九疑如黛隔湘川

洞庭乾二首

李羣玉

借問蓬萊水誰逢清淺年傷心雲夢澤歲歲作桑田
其二

朱宮紫貝闕一旦作沙洲八月還平在魚蝦不用愁

題二妃廟

李羣玉

黃陵廟前春已空子規啼血滴松風不知精爽歸何
處疑是行雲秋色中

湘妃廟

李羣玉

少將風月怨平湖見盡扶桑水到枯相約杏花壇上

去畫欄紅紫鬪檣蒲

九日巴邱楊公臺上宴集

張泌

烟郭遙聞向曉雞
水平舟靜浪聲齊
高林帶雨楊梅熟
曲岸籠雲謝豹啼
二女廟荒宮樹老
九疑山碧楚天低
湘南自古多離怨
莫動哀吟易慘悽

洞庭阻風

張泌

空江浩蕩景蕭然
盡日菰蒲泊釣船
青草浪高三月渡
綠楊花撲一溪烟
情多莫舉傷春日
愁極兼無買酒錢
猶有漁人數家住
不成村落夕陽邊

秋晚過洞庭

張泌

巴陵縣志

卷之二十四

藝文

四

征帆高挂酒初酣
暮景離情兩不堪
千里晚霞雲夢北
一洲霜橘洞庭南
溪風送雨過秋寺
礪石驚泉落夜潭
漫把羈魂弔湘魄
九疑愁絕鎖烟嵐

九日巴邱楊公臺上宴集

一作李羣玉詩

張繼

淒淒霜日上高臺
水國秋涼客思哀
萬疊銀山寒浪起
一行斜字早鴻來
誰家搗練孤城暮
何處題衣遠信回
江漢路長身不定
菊花三笑旅懷開

夜過洞庭

殷堯藩

笙歌只解鬧花天
誰是敲冰掉小船
爲覓瀟湘幽隱處
夜深載月聽鳴泉

悲湘靈

鮑溶

山上涼雲收日斜川風止娥皇五十弦秋深漢江水
初因無象外牽感百憂裏霜露結瑤華煙波勞玉指
將隨落葉去又繞疎蘋起哀響雲合來清餘桐半死
女顏萬歲後豈復嬋娟子不道神無悲那能久如此
魂魄無不之九山徒相似沒沒竟不從唯傷遠人耳
斑斑淚篁下恐有學瑟鬼

周先生畫洞庭歌

鮑溶

江南客水為鄉舟為宅能以筆鋒知地脈閒分楚水
人丹青不下此堂臨洞庭水紋不浪烟不動木末稜
巴陵縣志 卷之二十四 藝文 七
稜山碧重帝子應哀窈窕雲客人似得嬋娟夢六月
火光衣上生齋心寂聽潺湲聲林冰搖鏡水拂簟盡
日獨臥秋風清因遊洞庭不出戶疑君知有長生路
玉壺先生在何處

湘妃列女操

鮑溶

有虞夫人哭虞后淑女何事又傷離竹上淚跡生不
盡寄哀雲和五十絲雲和終奏鈞天曲乍聽寶琴遙
嗣續三湘測測流急綠秋夜露寒蜀帝飛楓林月斜
楚臣宿更疑川宮日黃昏聞搗女手殷勤言環珮玲
瓏有無間終疑既遠雙悄悄蒼梧舊雲豈難召老猿

心寒不可嘯目眇眇今意蹉跎魂騰騰今驚秋波曲
一盡兮憶再奏衆竝不聲且如何

湘川懷古

施肩吾

湘水終日流湘妃昔時哭美色已成塵淚痕猶在竹

湘竹詞

施肩吾

萬古湘江竹無窮奈怨何年年長春筍只是淚痕多

洞庭言懷

譚用之

江上陰雲鎖夢魂江邊深夜舞剡現秋風萬里芙蓉
國暮雨千家薜荔村鄉思不堪悲橘柚旅途誰肯念
王孫漁人相見不相問長笛一聲歸島門

巴陵縣志

卷之二十四

藝文

六

岳陽懷古

呂溫

晨飈發荊州落日到巴邱方知剗剗利可接鬼神遊
二湖豁南寢九派駛東流襟帶三千里盡在岳陽樓
憶昔鬪羣雄此焉爭上游吳昌屯虎旅晉盛驚龍舟
宋齊紛禍難梁陳成寇讐鐘鼓長震耀魚龍不得休
風雪一蕭散功業忽如浮今日時無事空江滿白鷗

送徐使君赴岳州

雍陶

渺渺楚江上風旗搖去舟鳥歸雲夢晚猿叫洞庭秋
別思滿南浦鄉心想舊州寄言徐刺史詩送岳陽樓

移居洞庭

趙信陵

重材將疊嶂此處可逃秦水隔人間世花開洞裏春
荷鋤分地利縱酒樂天真萬事更何有吾今已外身

秋日登岳陽樓望晴

張碧

三秋倚練飛金盞洞庭波定平如剡天高雲捲綠羅
低一點君山礙人眼漫漫萬頃鋪琉璃烟波濶遠無
鳥飛西南東北競無際直疑浸斷青天涯屈原回日
牽愁吟龍宮感激致應沉賈生憔悴說不得茫茫烟
靄堆湖心

春晚岳陽樓言懷二首

崔魯

烟花零落過清明異國光陰老客情雲夢夕陽愁裏

巴陵縣志

卷之二十四 藝文

三

色洞庭春浪坐來聲天涯一與舊山別江上幾看芳
草生獨倚闌杆意難寫暮笳嗚咽調孤城
翠烟如鈿柳如環晴倚南樓獨看山江國草花三月
暮帝城塵夢一年間虛舟尚歎滄難解飛鳥空慚倦
未還何似不羈詹父伴睡烟歌月老潺潺

岳陽雲夢亭看蓮花

崔魯

似醉如慵一水心斜陽欲暝彩雲深清明月照羞無
語涼冷風吹勢不禁曾向楚臺和雨看只於吳苑弄
船尋當時爲汝題詩徧此地依前泥苦吟

別君山

崔魯

點空誇黛妬愁眉何必浮來結夢思慙愧二年青翠
色惹牕粘枕伴吟詩

題雲夢亭

崔魯

薄烟如夢雨如塵霜景晴來卻勝春好在池西紅葉
樹他年今日伴何人

登岳陽樓有懷寄座主相公

曹鄴

南登岳陽樓北眺長安道不見昇平里千門樹如草
骨肉在南楚沉憂起常早白社愁成空秋燕待誰掃
常聞詩人詩西子不宜老賴識丹元君時來語蓬島

旅次岳陽寄京中親故

曹鄴

巴陵縣志

卷之二十四 藝文

五

君山南面浪連天一客愁心兩處懸身逐片帆歸楚
澤魂隨流水向秦川月回浦北千尋雪樹出湖東幾
點煙更欲登樓向西望北風催上洞庭船

和友人憶洞庭舊居

劉滄

客舍經時益苦吟洞庭猶憶在前林青山殘月有歸
夢碧落片雲生遠心谿路煙開江月出草堂門掩海
濤深因君話舊起愁思隔水數聲何處砧

秋宿洞庭

周賀

洞庭初下葉旅客不勝愁明月天涯夜青山江上秋
一官成白首萬里寄滄洲只被浮名繫寧無愧海鷗

巴陵秋思

周賀

楊柳已秋思楚田仍刈禾歸心病起切敗葉夜來多
細雨城蟬噪殘陽嶠客過舊山餘業在杳隔洞庭波
宿開元寺樓

周賀

西峯殘日落誰見寂寥心孤枕客眠久兩廊僧話深
寒扉開雨氣風葉隱鐘陰此愛東樓望仍期別夜尋
送陽嶽歸巴陵

周賀

何處得鄉信告行當雨天人離京口日潮入岳陽船
孤鳥背林色遠帆開浦煙愁君惟此別不肯話迴年
洞庭寄所思

趙嘏

巴陵縣志

卷之二十四

五

目斷蘭臺空望歸錦衾香冷夢來稀書中自報刀頭
約天上頻看破鏡飛孤浪謾疑紅臉笑輕雲忽似舞
羅衣遙知不語坐相憶寂寞洞房寒燭微

岳陽晚泊

曹松

輕帆下濶流便泊此沙洲湖影撼山朶日陽燒野愁
白波爭起倒青嶼或沉浮是際船中望東南匆匆秋

洞庭湖

曹松

東西南北各連空波上唯留小朶峯長與岳陽翻鼓
角不離雲夢轉魚龍吸迴日月過千頃鋪盡星河剩
一重直到却餘還作陸是時應有羽人逢

過洞庭

唐温如

西風吹老洞庭波
一夜湘君白髮多
醉後不知天在水
滿船清夢壓星河

過洞庭

李嶼

浩渺注橫流
千潭合萬湫
半泓侵楚翼
一汜屬吳頭
動舳當新霽
漫空正仲秋
勢翻荆口
迳聲擁岳陽
浮遠脉滋衡嶽
微涼散橘洲
星辰連影動
嵐翠逐隅收
漸落分行鴈
旋添趁伴舟
昇騰人莫測
安穩路何憂
氣與塵中別
言堪象外搜
此身如麤了
來把一竿休

過二妃廟

崔塗

巴陵縣志

卷之二十四

藝文

五二

殘陽楚水畔
獨弔舜時人
不及廟前草
至今江上春

巴陵夜泊

崔塗

家依楚塞窮
秋別身逐孤舟
萬里行一曲
巴歌半江月
便應消得二毛生

岳陽樓

江爲

倚樓高望極
展轉念前途
晚葉紅殘楚
秋江碧入吳
雲中來鴈急
天末去帆孤
明月誰同我
悠悠上帝都

中秋夜洞庭圓月

姚合

素月閑秋景
騷人汎洞庭
滄波正澄霽
涼葉未雕零
練彩凝葭菼
霜容靜杳冥
曉樓河畔鶴
宵映渚邊螢

圓彩含珠魄微颺發桂馨誰憐採蘋客此夜宿孤江
早發洞庭 方干

長天接廣澤二氣共含秋舉目無平地何心戀直鉤
孤鐘鳴大岸片月落中流却憶鴟夷子當時此泛舟

洞庭隱

來 鵠

高臥洞庭三十春菱荷香裏獨垂綸莫嫌無事閒銷
日有事始憐無事人

寄岳陽嚴使君

袁 皓

得意東歸過岳陽桂枝香惹蘂珠香也知暮雨生巫
峽爭奈朝雲屬楚王萬恨只憑期尅手寸心嗟繫別

巴陵縣志

卷之二十四 藝文

三

離腸南亭宴罷笙歌散回首煙波路渺茫

洞庭

許 棠

驚波常不定半日鬢堪斑四顧疑無地中流忽有山
鳥高恒畏陸帆遠却如閒漁父前相引時歌浩渺間

巴陵

歐陽玘

孤城向夕原春入景初暄綠樹低官舍青山在縣門
樓臺疑結蜃枕席更聞猿客路何曾定樓遲欲斷魂

巴陵村行

姚 揆

天澹雨初晴遊人憾不勝亂山啼蜀魄孤棹宿巴陵
影射村橋柳光寒水寺燈能吟思故國窗外有魚簪

巴陵逢洛陽鄰舍

耿湜

因君知北事流浪已忘機
久客多人識高年衆病歸
連雲湖色遠度雪鴈聲稀
又說家林盡悽傷淚滿衣

夜泊九江

崔道融

夜泊江門外歡聲月下樓
明朝歸去路猶隔洞庭秋

君山

程賀

曾遊方外見麻姑說道君山自古無原
是崑崙山頂石海風飄落洞庭湖

軒轅臺

胡曾

五月扁舟過洞庭魚龍吹浪水雲腥
軒轅黃帝今何在

巴陵縣志

卷之二十四 藝文

五

在回首巴山蘆葉青

湘靈鼓瑟

王邕

寶瑟和琴韻靈妃應樂章
依稀聞促柱髣髴夢新粧
波外聲初發風前曲正長
淒清和萬籟斷續繞三湘
轉覺雲山迴空懷杜若芳
誰能傳此意雅奏在宮商

送楊郎中唐員外奉使湖南

徐鉉

江邊微雨柳條新握節含香
二使臣兩綬對懸雲夢
日方舟齊泛洞庭春
今朝草木逢新律昨日山川滿
戰塵同是多情懷古客不妨爲賦弔靈均

洞庭玩月

韓滉

洞庭湖上清秋月月皎湖寬萬頃霜玉椀深沉潭
口金杯細碎浪頭光寒驚鳥鵲離巢噪冷射蛟螭
窟藏更憶瑤臺逢此夜水晶宮殿抱瓊漿

湘妃怨

王貞白

舜欲省蠻陬南巡非逸遊九江沉白日二女泣滄洲
日極楚雲斷恨深湘水流至今聞鼓瑟咽絕不勝愁
岳州端午日送人游郴連

徐夔

五月巴陵值積陰送君千里客于郴北風吹雨黃梅
落西日過湖青草深競渡岸傍人挂錦採芳城上女
遺簪九嶷雲濶蒼梧暗與說重華舊德音

巴陵縣志

卷之二十四 藝文

五十五

遊洞庭湖

裴說

楚雲團翠八百里澄湖吹香墮春水白頭漁子搖蒼
煙瀉瀉眠沙曉驚起沙頭龍叟夜歎憂鐵笛未響春
風羞露寒紫藟結新愁城角泣斷關河秋謫仙欲識
雷斧手刻却古今愁共醜鯨遊碧落杳無踪作詩三
歎君知否瀛洲一棹何時還滿江宮錦看湖山

過洞庭湖

裴說

浪高風力大挂席亦言遲及到堪憂處事如未濟時
魚龍侵莫測雷雨動須疑此際情無賴何門寄所思

岳陽兵火後題僧舍

裴說

十年兵火真多事再到禪扉却破顏
唯有兩般燒不得洞庭湖水老僧閒

憶洞庭觀步十韻

皮日休

前時登觀步暑雨正鐔撻上戍看綿蕪
登村度石砭菴花時有簇溪鳥不成雙
遠樹點黑稍遙峰露碧幢巖根瘦似殼
杉破腹如腔被衲漁人服符籙野店窻
多攜白木鋤愛買紫泉缸仙犬聲音古
遺民意緒厯何文堪緯地底策可經邦
自此將妻子歸山不姓龐

秋晚自洞庭湖別業寄穆秀才 皮日休

破村寥落過重陽獨自櫻寧茸草房
風捲紅蕉仍換巴陵縣志

卷之二十四

藝文

五十六

葉雨霖黃菊不成香野猿偷栗重窺戶
落鴈疑人更繞塘他日若修耆舊傳
爲予添取此書堂

憶襲美洞庭觀步奉和次韻

陸龜蒙

聞君遊靜境雅具更樸樸竹傘遮雲徑
藤鞵踏蘚砭杖斑花不一尊大瘦成雙水
鳥行沙嶼山僧禮石幢已甘三秀味誰念
百牢腔遠棹投何處殘陽到幾窻仙謠珠樹
曲村餉白醅缸地里方吳會人風似冉厯
探遊非遜世尋勝肯迷邦爲讀江南傳何賢
過一龐

湘妃廟

羅隱

劉表荒碑斷水濱廟前幽草閉殘春
已將怨淚流斑

竹又感悲風入白蘋八族未來誰北拱四兇猶在莫
南巡九峰相似堪疑處望見蒼梧不見人

早春巴陵道中

羅隱

遠雪亭亭望未銷岳陽春淺似相饒短蘆冒土初生
笋高柳偷風已弄條波汎洞庭猿獺健谷連荆楚鬼
神妖中流菱唱泊何處一隻畫般蘭作橈

送鄒尊師歸洞庭

楊逵

衆鳥在波心曾居舊隱林近聞飛檄急轉憶臥雲深
賣藥唯供酒歸舟只載琴遙知明月夜坐石自開襟

君山祠

周岳秀

巴陵縣志

卷之二十四

藝文

五七

萬頃湖波浸碧天旌封香火幾千年風濤澎湃魚龍
舞棟宇崢嶸燕雀遷遠岫光中濃淡樹斜陽影裏徃
來船江河願借吹噓便應有神功在目前

岳州衆湖阻風二首

王周

衆湖湖口繫蘭船睡起中餐又却眠風伯如何解迴
怒數宵檣倚碧蘆煙

偶繫扁舟枕綠莎旋移深處避驚波曉來閒共漁人
話此去巴陵路幾多

斑竹

無名氏

濃綠疎翠遶湘水春風抽出蛟龍尾色抱霜花粉代

光枝撐蜀錦紅霞起交戛敲無俗聲滿林風曳刀
槍橫殷痕苦雨洗不落猶帶湘娥淚血腥嫋娜梢頭
掃秋月影穿林下疑殘雪我今慚愧子歆心解愛此
君名不滅

洞庭山維諒上人院塔前孤生橘樹

釋皎然

洞庭仙山但生橘不比凡木與梨栗眞子無松自不
栽感得一株塔下出細葉繁枝委露新四時常綠不
關春若言此物無道性何意孤生來就人二月三月
山初暖最愛低簷數枝短白花不用鳥銜來自有風
巴陵縣志

卷之二十四

藝文

五

吹手中滿九月十月爭破顏金實離離顏色殷一夜
天晴香滿山天生珍木異於俗俗士來逢不敢觸清
陰獨步禪起時徙倚枝前看不足

送維諒上人歸洞庭

釋皎然

從來湖上勝人間遠愛浮雲獨自還孤月空天見心
地寥寥一水鏡中山

送獨孤使君赴岳州

釋皎然

海上仙山屬使君石橋琪樹此來聞他時畫出白團
扇乞取天台一片雲

送顧道士遊洞庭

釋皎然

見說洞庭無上路春遊亂踏五靈芝含桃風起在
藉正是仙翁棋散時

湘妃廟

釋齊己

湘烟濛濛湘水急汀露凝紅衰蓮濕蒼梧雲疊九疑
深二妃魂飛江上立相攜泣鳳蓋龍輿追不及廟荒
杉朽啼飛鼉笳鞭迸出階基傾黃昏一片陰雲起新
月如眉生澗水

懷洞庭

釋齊己

憶過巴陵歲無人問去留中宵滿湖月獨自在僧樓
漁父真閒唱靈均是謾愁今來欲長往誰借木蘭舟

巴陵縣志

卷之二十四

藝文

五九

送中觀進公歸巴陵

釋齊己

一論破雙空持行大國中不知從此去何處挫邪宗
晝雨懸帆黑殘陽泊烏紅應游到澗岸相憶遶茶叢

懷巴陵舊遊

釋齊己

洞庭雲夢秋空碧共悠悠孟子狂題後何人更倚樓
日西來遠棹風外見平流終欲重尋去僧窻古岸頭
岳陽道中作

釋齊己

客思尋常動未如今斷魂路歧經亂後風雪少人村
大澤鳴寒鴈千峯啼晝猿爭教此時白不上鬢鬚根

謝澗湖茶

釋齊己

澹湖唯上貢何以惠尋常還是詩心苦堪消蠟面
響聲通一室烹色帶殘陽若有新春者西來信勿陰

湖西逸人

釋齊已

老隱洞庭西漁樵共一溪琴前孤鶴影石上遠僧題
橘柚園林熟蒹葭徑路迷君能許鄰並分樂斷春畦
酬洞庭陳秀才

釋齊已

何必要識面見詩驚苦心此門從自古難學至如今
青草湖雲濶黃陵廟木深精按當好景得卽動知音
酬岳陽李主簿卷

釋齊已

把卷思高興瀟湘閣浸門無雲生翠浪有月動清魂
巴陵縣志

卷之二十四 藝文

六

倚檻應窮底凝情合到源爲君吟所寄難甚至忘筌
謝橘洲人寄橘

釋齊已

洞庭栽種似瀟湘綠遶人家帶夕陽霜衰露蒸千樹
熟浪圍風撼一洲香洪崖遣後名何遠陸續懷來事
更長藏貯待供賓客好石榴宜稱映舟光

懷巴陵

釋齊已

番白堪思大亂前薄遊曾駐洞庭邊尋僧古寺沿沙
岸倚杖殘陽落水天蘭藥蒿菸騷客廟烟波晴澗釣
師船此時欲買君山住嬾就商人乞箇錢

宿岳陽開元寺

釋修睦

竟夕凭虛檻何當興歎頻往來人自老今古月長
風送沉魚唱松疏露鶴身無眠鐘又動幾客在迷津

岳陽對柳

釋修睦

誰此種秋色令人看莫窮正番雲夢雨不奈洞庭風
昔出長安道獨遊隋苑東當時今日思須信苦相同

泊洞庭

釋虛中

槐柳未知秋依依館驛頭客心俱念遠時雨自相留
浪沒貨魚市帆高賣酒樓夜來思展轉故里在南州

早春送人歸岳陽

釋尚顏

八食主人魚春來復舊居遠無千里浪輕有半船書

巴陵縣志

卷之二十四

藝文

六十一

過片晴雲淡消殘暮雪虛岳陽多異境按思勿令疎

賦洞庭

釋可朋

周極八百里凝眸望則勞水涵天影濶山拔地形高
賈客停非久漁翁轉幾遭颯然風起處又是鼓波濤

杪秋洞庭中懷王道士

謝太虛

羽士

漂泊日復日洞庭今更秋清楓亦何意此夜催人愁
惆悵客中月徘徊江上樓心知楚天遠目送滄波流
謝客久已歿微言無處求空餘白雲在容與隨孤舟
千里杳難望一身常獨遊故園復何許江海徒淹留

巴陵縣志卷之二十四終

計六十一
頁尾無空

